

## ՀԱՇՎԵՏՎՈՒԹՅՈՒՆ

2018 թվականի նոյեմբերի 29-30-ը Ռուսաստանի Դաշնություն /Մոսկվա/  
գործուղման արդյունքների մասին

**1. Անունը, ազգանունը.**

Արման Ուդումյան

**2. Զբաղեցրած պաշտոնը.**

ՀՀ աշխատանքի և սոցիալական հարցերի նախարարի տեղակալ

**3. Գործուղման վայրը և ժամկետները.**

Ռուսաստանի Դաշնություն /Մոսկվա/, 29-30-ը նոյեմբերի, 2018թ.

**4. Հրավիրող կողմը.**

Աշխատանքի միջազգային կազմակերպության Արժանապատիվ աշխատանքի տեխնիկական աջակցության թիմի և Արևելյան Եվրոպայի ու Կենտրոնական Ասիայի մոսկովյան գրասենյակ

**5. Գործուղման նպատակը /աշխատանքային ո՞ր խնդրի լուծման համար էր նախատեսված գործուղումը/.**

- համաձայնեցնելու «Արժանապատիվ աշխատանք» քառամյա ազգային ծրագրի առաջնահերթություններից բխող աշխատանքային պլանի բաղադրիչները,
- քննարկելու աշխատանքային իրավունքների պաշտպանության նկատմամբ վերահսկողության ամբողջական համակարգի ներդրման և աշխատանքային օրենսգրքի փոփոխությունների վերաբերյալ հարցերը,
- համաձայնեցնելու Զբաղվածության 2019-2023թթ. ռազմավարության մշակմանն ուղղված Աշխատանքի միջազգային կազմակերպության /այսուհետ՝ ԱՄԿ/ աջակցության ձևաչափը:

**6. Քննարկված թեմաները.**

«Արժանապատիվ աշխատանք» քառամյա ազգային ծրագրի շրջանակներում.

- առաջին անգամ աշխատաշուկա մուտք գործող անձանց ուղղված ծրագրերի մշակում,
- մասնագիտական կողմնորոշման վերաբերյալ ճանաչողական, ուսուցողական և խորհրդատվական նյութերի մշակում դպրոցի ավագ դասարանների,

ուսանողների և Ջբաղվածության պետական գործակալության մասնագետների համար,

- աշխատանքային օրենսգրքի (աշխատանքային իրավունքների, առողջության և անվտանգ աշխատանքի) պրակտիկ մեկնաբանությունների մշակում ձեռնարկների և «հաճախակի տրվող հարցերի» ձևաչափով գործատուների և աշխատողների համար,
- աշխատաշուկայի ակտիվ ծրագրերի, ստվերային (չգրանցված) զբաղվածության վերաբերյալ հետազոտությունների անցկացում և միջազգային հաջողված փորձի ուսումնասիրություն,
- սոցիալական գործընկերների (պետություն, գործատուներ, արհմիություններ) միջև գործող եռակողմ համաձայնագրի բովանդակության բարելավում:

#### **7. Հանդիպումները, ելույթները, բարձրացված կամ քննարկված հարցերը.**

- Օլգա Կուլանա, Արժանապատիվ աշխատանքի տեխնիկական աջակցության թիմի և Արևելյան Եվրոպայի ու Կենտրոնական Ասիայի մոսկովյան գրասենյակի տնօրեն,
- Վալենտին Մոկանու, Աշխատանքի տեսչության, առողջ և անվտանգ աշխատանքի ավագ մասնագետ,
- Միխաիլ Պուշկին, Ջբաղվածության ավագ մասնագետ,
- Յասմինա Պապա, Սոցիալական պաշտպանության մասնագետ,
- Լեջո Սիբել, Աշխատանքային ստանդարտների և աշխատանքային իրավունքի ավագ մասնագետ,
- Վլադիմիր Կուրովիչ, Գործատուների հետ տարվող աշխատանքների գծով ավագ մասնագետ:

#### **8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.**

- ԱՄԿ աջակցությամբ 2013-2018թթ. Ջբաղվածության ռազմավարության գնահատումից հետո շարունակելու աջակցությունը նոր՝ Ջբաղվածության 2019-2023թթ. ռազմավարության մշակման աշխատանքներին,
- աջակցություն ՀՀ կառավարության ենթակայությամբ գործող Առողջապահական և աշխատանքի տեսչական մարմնի աշխատանքային իրավունքների նկատմամբ վերահսկողական գործառույթներով օժտելու աշխատանքներին,
- փորձագիտական աջակցություն ՀՀ աշխատանքի և սոցիալական հարցերի նախարարության կողմից Աշխատանքային օրենսգրքում լրացումներ և փոփոխություններ կատարելու գործընթացին:

**9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.**

«Արժանապատիվ աշխատանք» ազգային քառամյա ծրագրի ստորագրման արարողությունը 2019 թվականի ապրիլի 30-ին կամ մայիսի 13-ից 17-ն ընկած ժամանակահատվածում կազմակերպելը, որին կմասնակցի նաև ԱՄԿ Եվրոպայի և Կենտրոնական Ասիայի տարածաշրջանային գրասենյակի տնօրենը: Պատասխանատուները՝ ՀՀ աշխատանքի և սոցիալական հարցերի նախարարություն, ԱՄԿ Մոսկվայի գրասենյակ, ԱՄԿ ազգային համակարգող:

**10. Ստորագրությունը, ամսաթիվը.**

05.12.2018թ.

